



Concello de Vigo

D^a. OLGA ALONSO SUÁREZ, CONCELLEIRA-SECRETARIA DA XUNTA DE GOBERNO LOCAL DO CONCELLO DE VIGO

CERTIFICO: Que a Xunta de Goberno Local, na sesión ordinaria do 5 de abril de 2018, adoptou o seguinte acordo:

13.- PRÓRROGA DO CONTRATO DE SERVIZOS DE XESTIÓN DOS TRABALLOS TÉCNICOS DERIVADOS DA PROGRAMACIÓN DE ACTIVIDADES E ESPECTÁCULOS NO AUDITORIO MUNICIPAL DA CASA DO CONCELLO. EXPTE. 1808/330.

Visto o informe xurídico do 16/03/18 e o informe de fiscalización do 20/03/18, dáse conta do informe-proposta de data 6/03/18, asinado polo xefe do Servizo de Xestión e Promoción Cultural, o concelleiro-delegado da Área de Cultura e o concelleiro-delegado da Área de Facenda e Orzamentos, que di o seguinte:

LEXISLACIÓN APLICABLE.

–RD Leg 3/2011, de 14 de novembro, polo que se aproba o texto refundido da Lei de Contratos do Sector Público. TRLCSP

–RD 1098/2001 Regulamento Xeral da Lei de Contratos das Administracións Públicas.

–RD Leg 781/1986, de 18 de abril, texto refundido das disposicións legais vixentes en materia de Réxime Local.

–Lei 57/2003, de 16 de decembro, de medidas de modernización do goberno local.

–RD Leg 2/2004, de 5 de marzo, polo que se aproba o texto refundido da Lei Reguladora de Facendas Locais.

–Lei 5/1997 de 22 de xullo de Administración Local de Galicia.

ANTECEDENTES

1. A Xunta de Goberno Local con data 3 de agosto de 2017 acordou (expte 1165-330):

“Adxudicar a SOLIMUSIC EVENTS, S.L, o procedemento aberto para a contratación do servizo de xestión dos traballos técnicos derivados da programación de actividades e espectáculos no Auditorio municipal da Casa do Concello, coas seguintes condicións:

- Propón unha redución porcentual dos prezos unitarios previstos no apartado 3.G da FEC de 28,22%*

Todo iso de acordo cos pregos de prescricións técnicas e de cláusulas administrativas particulares aprobados por acordo da Xunta de Goberno e a oferta presentada”.

2. Con data 8 de agosto de 2017, asinouse o contrato administrativo entre o Concello de Vigo e a mercantil SOLIMUSIC EVENTS, S.L.U cun prazo de execución de un ano natural sendo a data de inicio o 1 de setembro de 2017 (cláusula 4) .

3. Por escrito de entrada no Rexistro Xeral, nº 180033158 de data 5 de marzo de 2018, D. Pablo Soliño Gándara en nome e representación da mercantil SOLIMUSIC EVENTS S.L.U. presta a súa conformidade á prórroga do contrato.



Copia auténtica do orixinal - Concello de Vigo

Expediente 1808/330

Data impresión: 06/04/2018 09:32

Páxina 1 de 3

CSV: 22EB4-5D3AB-84AD4-E243B

Pode validar e/ou obter copia electrónica do documento utilizando o código QR da esquerda ou o código de verificación na dirección da sede electrónica <http://www.vigo.org/csv>

4. Consta no expediente resolución do concelleiro-delegado da Área de Cultura, de data 6 de marzo de 2018, dispoñendo se proceda a instruír a prórroga do contrato por ser necesario continuar a prestación do servizo da empresa contratada para a execución dos devanditos traballos co persoal cualificado para a execución dos mesmos os resultados satisfactorios acadados.

5. Esta xefatura, como responsable do contrato, informa que a empresa *SOLIMUSIC EVENTS, S.L.U* ten cumprido satisfactoriamente con todo o estipulado no citado contrato, desenvolvendo correctamente as obrigas encomendadas e sen ningún incumplimento pola súa parte.

CONSIDERACIÓNS XURIDICAS

1.- Regula o art. 303.1 do TRLCSP, respecto á duración inicial dos contratos de servizos, que os mesmos no poderán ter un prazo de vixencia superior a catro anos, se ben poderá preverse no contrato a súa prórroga por mutuo acordo das partes antes da finalización daquel, sempre que a duración total do contrato, incluídas as prórrogas, non exceda de seis anos. No caso de que a duración inicial fose inferior a catro anos, as prórrogas non poderán exceder, aislada ou conxuntamente, do prazo fixando orixinariamente.

2.- En línea co anterior, o art. 23.2 do TRLCSP, establece que o contrato poderá prever unha ou varias prórrogas sempre que as súas características permanezan inalterables durante o período de duración de éstas, e que na concurrencia para a súa adxudicación realizouse tendo en conta a duración máxima do contrato, incluídos os períodos de prórroga. Así mesmo, a prórroga acordarase polo órgano de contratación e será obrigatoria para o empresario, salvo que o contrato expresamente prevea o contrario, sen que poida producirse por consentemento tácito das partes.

3.- Neste senso, tanto a cláusula 4ª do contrato asinado con data 8 de agosto de 2017, como a cláusula 7.3 do Prego de Cláusulas Administrativas Particulares e apartado 4.c) das FEC, establecen que o presente contrato terá unha vixencia de un ano natural a contar dende o día 1 de setembro de 2017, prevéndose a posibilidade dunha prórroga dun ano, previo acordo expreso da Xunta de Goberno do Concello de Vigo, e que o contratista non se opoña a mesma cunha antelación de cinco meses respecto do vencemento do contrato.

4.- O expediente de prórroga do contrato iniciárase polo órgano de contratación conforme o previsto no art. 109.1 do TRLCSP, estando delegada no Concello de Vigo esa competencia por acordo da Xunta de Goberno Local de 19/06/2015 nos concelleiros delegados de Área. A tal fin consta no expediente resolución do concelleiro da Área de Cultura de data 6 de marzo de 2017 autorizando o inicio de este expediente de prórroga do contrato.

5. Conforme ao previsto no art. 109.3 deberá incorporarse o certificado de existencia de crédito e a fiscalización previa da Intervención Xeral nos termos previstos na lei 47/2003, de 26 de novembro, Xeral Presupuestaria.

6.- A competencia para a resolución do presente expediente e aprobación do gasto correspóndelle á Xunta de Goberno Local, na súa calidade de órgano de contratación de conformidade ao art. 110.1 do TRLCSP.

Á vista do exposto, ante a necesidade de continuar coas prestacións ás que se refire o presente expediente de contratación, en beneficio e defensa dos intereses municipais, previos informes xurídico e da Intervención Xeral, coas conformidades do concelleiro-delegado da Área de Cultura e



Copia auténtica do orixinal - Concello de Vigo

Data impresión: 06/04/2018 09:32 Páxina 2 de 3

Expediente 1808/330

CSV: 22EB4-5D3AB-84AD4-E243B

Pode validar e/ou obter copia electrónica do documento utilizando o código QR da esquerda ou o código de verificación na dirección da sede electrónica <http://www.vigo.org/csv>



Concello de Vigo

mailo concelleiro-delegado da Área de Facenda e Orzamentos, faise á Xunta de Goberno Local a seguinte PROPOSTA:

"PRIMEIRO.- *Aprobar a prórroga do contrato de servizos de xestión de traballos técnicos derivados da programación de actividades e espectáculos no Auditorio Municipal do Concello (expediente 1165-330), polo período dun ano, é decir, dende o día 1 de setembro de 2018 ao 30 de agosto de 2019, polo importe total de sesenta e catro mil oitocentos setenta e un euros con noventa e sete céntimos (64.871,97 €), ive engadido.*

SEGUNDO.- *Aprobar o gasto por importe total desesenta e catro mil oitocentos setenta e un euros con noventa e sete céntimos (64.871,97 €), ive engadido. a favor de SOLIMUSIC EVENTS, S.L.U (CIF.- B27793728), con cargo á partida 3331.227.99.07 "Xestión Auditorio Casa do Concello", do cal corresponden:*

- Ano 2018: 21.720,96 €, período do 1 de setembro ao 31 de decembro.
- Ano 2019: 43.151,01 €, período do 01 de xaneiro ao 30 de agosto.

TERCEIRO.- *Notificar o presente acordo ao adxudicatario e publicar este no perfil do contratante do Concello de Vigo".*

Acordo

A Xunta de Goberno local aproba a proposta contida no precedente informe.

E para que así conste e produza os seus efectos, emito a presente certificación coa salvedade do artigo 206 do Regulamento de organización, funcionamento e réxime xurídico das entidades locais, de orde do Excmo. Alcalde, en Vigo a data da sinatura dixital.

CCA/me

V. e Pr.
O ALCALDE,
Abel Caballero Álvarez.



Copia auténtica do orixinal - Concello de Vigo

Data impresión: 06/04/2018 09:32

Páxina 3 de 3

Expediente 1808/330

CSV: 22EB4-5D3AB-84AD4-E243B

Pode validar e/ou obter copia electrónica do documento utilizando o código QR da esquerda ou o código de verificación na dirección da sede electrónica <http://www.vigo.org/csv>

